



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/02-05-43190-198 719
Sarajevo, 09. 01. 2020. godine



SKUPŠTINA KANTONA SARAJEVO
-ovdje-

PREDMET: *Odgovor na zastupničko pitanje - dostavlja se*

Poštovani,

Zastupnica u Skupštini Kantona Sarajevo **Bibija Kerla** na 16. radnoj sjednici Skupštine Kantona Sarajevo održanoj dana 11.12.2019. godine u okviru tačke dnevnog reda „Poslanička pitanja, inicijative i odgovori“, postavila je zastupničko pitanje:

„ U školama koje nemaju pravo na administrativnog radnika postavlja se pitanje ko vrši prijeme i otpreme pošte, protokola, arhiviranja i daktilografskih poslova?

Obrazloženje:

S obzirom da u Pedagoškim standardima i normativima za srednje škole, a koji čekaju da se usvoje već duže vrijeme planirate postojanje radnog mjesta administrativnog radnika usloviti sa brojem učenika, a poslovi koje obavlja administrativni radnik se ne smanjuju smanjenjem učenika i nisu u direktnoj vezi, interesuje me ko će raditi te poslove i na osnovu čega?“

Odgovor

Koristimo se prilikom da Vas podsjetimo da je Skupštine Kantona Sarajevo donijela Zaključak broj: 01-05-36793-3/19 od 22.10.2019. godine kojim je utvrdila rokove i prioritete aktivnosti Ministarstva za obrazovanje, nauku i mlade kada su u pitanju izmjene svih postojećih i generiranje nedostajućih zakona u cilju stvaranja stabilnog pravnog okvira za proces reforme obrazovnog sistema u Kantonu Sarajevo.

Skupština Kantona Sarajevo je kao prioritetsnu aktivnost utvrdila obavezu da se u roku od četiri mjeseca optimizira i usvoji Strategija razvoja obrazovanja i nauke u Kantonu Sarajevo, a navedeni zakonski propisi usvoje u roku od šest mjeseci.

Svakako da je usvajanje navedenih strateških i normativnih akata preduslov za donošenje podzakonskih akata, a samim tim i Pedagoških standarda i normativa za srednje škole. U tom smislu Ministarstvo je svoje programske aktivnosti u 2020. godini uskladilo sa navedenim zaključkom Skupštine.




web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218

Sarajevo, Reisa Džemaludina Čauševića 1



Ministarstvo će nakon usvajanja Zakona o srednjem obrazovanju kao nosilac aktivnosti pristupiti i donošenju Pedagoških standarda i normativima za srednje škole i tom prilikom obaviti šire konsultacije sa svim zainteresiranim strukturama te uvažavajući evropske standarde i najbolje primjere iz prakse pažljivo razmotriti i pitanje administrativnih radnika.

S poštovanjem,



Dostaviti:

1. Naslovu;
2. a/a.



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

